

यूहन्नासे भिबा न्हीरेमला चिठी

चु चिठीला बारेरी पाङ्तो:मा

भिबा म्हि: मण्डलीदा च्याबा म्हिसे भिबा मुबा (२ यूहन्ना १:१)। बाइबलला ल्हाना हङ्बा विद्वानगदेसे मण्डलीला गे लबा चु मण्डलीदा च्याबा म्हि चा येसूला मुल चेला यूहन्ना हिन्ना भिसी पाङ्बा मुला।

भिबा ग्ला: पक्का था आरे, तर कोइ कोइ बाइबल विद्वानगदेसे एफिसस शहरग्याम तखम्ला भिसी पाङ्बा मुला।

भिबा साल: ल्हाना हङ्बा बाइबल विद्वानगदेसे ओस्पन ईशवी संवत् १० (विक्रम संवत् १४७) सालरी भिबा मुबा भिसी पाङ्बा मुला।

खाल्दा भिबा: परमेश्वरसे धम्बा मिडम्हेमेदेन थेला कोलागदेदा भिबा मुबा (२ यूहन्ना १:१)। थे मिडम्हेमे खाल हिन्ना भिबा ताम खालैदा था आरे। थे मिडम्हेमे चा मण्डली गिक मुबा ओच्छे थेला कोलागदे चा थे मण्डलीला म्हिगदे मुबा भिसी कोइ कोइ बाइबल विद्वानगदेसे पाङ्बा मुला।

चु चिठीरी गिकसेम गिकदा माया लउ ओच्छे लुसीला ताम लोप्बा म्हिदेन थेसे लोप्बा तामग्याम होशियार तसी चिउ भिसी पाङ्बा मुला।

मुल तामगदे

- फ्याफुल्बा १-३
- माया चा जम्मान भन्दा मुल ताम हिन्ना ४-६
- लुसीला तामग्याम जोगब तसी चिउ भिसी होशियार तना लबा ७-११
- चिठीला थुमरी भिबा ताम १२-१३

यूहन्नासे भिबा न्हीरेमला चिठी

१ लास्सो परमेश्वरसे धम्बा आडा, एदेन एला कोलागदेदा डा मण्डलीदा च्याबा म्हिग्याम फ्याफुल्ला! डाइ एदेन एला कोलागदेदा ल्हानान माया लबा मुला। डाइ जे आहिन, सत्यदा डोसेबागदे जम्मासेन एनीगदेदा माया लबा मुला। २तिगदा भिसम थे सत्य य्हाडदेन छ्याम धन्छ्याबा मुला। चु सत्य य्हाडदेन छ्याम दान्दे जे आहिन सदन धन्छ्याला।

३य्हाड सत्यदेन मायारी गिक तसी चिबागदेदेन छ्याम परमेश्वर आबादेन थेला भा येशू ख्रीष्टग्याम मोलमदेन दया ओच्छे शान्ति तला।

ख्रीष्टसे कुल्बा अन्छार भ्रतो:ला

४य्हाडदा परमेश्वर आबासे कुल्बा अन्छार एला कोइ कोइ भा भामेगदे सत्य ग्यामरी भ्रबा म्हाडसी डा ल्हानान ताङ्जी। ५आडा, दाहेन्से डाइ एदा चु ताम पाङ्ला, चु ताम चा डाइ एदा कुल्बा छार ताम आहिन। तर य्हाडसे गिकसेम गिकदा माया लतो:ला

भिसी डाच्छाहेन्सेन य्हाडदा कुल्बा ताम हिन्ना।* ६परमेश्वरसे कुल्बा अन्छार भ्रबा भिबान गिकसेम गिकदा माया लबा हिन्ना। एसे डाच्छाहेन्सेन थे:बा परमेश्वरसे कुल्बा ताम चुनोन हिन्ना। थेतबासेलमा एनीगदे जम्मासेन गिकसेम गिकदा माया लसी ढिक्सी चितो:ला।

७तिगदा भिसम म्हिगदेदा फसब लबा म्हिगदे जम्बुलिङला जम्मान ग्लारी खसी जिन्बा मुला। थे म्हिगदे चा येशू ख्रीष्ट जम्बुलिङरी म्हिला रुपरी फेप्खबा हिन्ना भिसी विश्वास आलबा म्हिगदे हिन्ना। चुगदे चा छल लबादेन ख्रीष्टदा बिरोध लबा म्हिगदे हिन्ना। ८थेतबासेलमा एनीगदेसे दुख लसी लबा गेला इनाम आस्योर्बाला लागिरी थेहड्बा म्हिगदे म्हाडसी एनीगदे ह्वाडनोन होशियार तसी चिउ। तर ह्वाडसे याङ्तो:बा इनाम पूरान याङ्खम्बा म्हि दोगो।

९ख्रीष्टसे कुल्बा अन्छार आभ्रबा, तर स्थहान्दोला ताम ड्यान्सी भ्रबा म्हिदेन छ्याम परमेश्वर आत। तर

ख्रीष्टसे कुल्बा अन्छार भ्रबा म्हिदेन
 छ्याम परमेश्वरदेन थेला भा तला।
 १० चुदे खालै म्हि एनीगदे मुबा ग्लारी
 खसी ख्रीष्टसे कुल्बा अन्छारला ताम
 आपाङ्नी भिसम एनीगदेसे ह्वाडला
 दिमरी वाङ्थापुङ्गो। ओच्छे थेहङ्बा
 म्हिदा फ्याथाफुल्गो। ११ तिगदा भिसम
 थेहङ्बा म्हिदा फ्याफुल्बा चा य्हाङ्से
 थेदा नइबा गे लबारी आँट पिन्बा हिन्ना।

१२ डाइ एनीगदेदा पाङ्तोःबा ताम
 मी ल्हानान मुबा। तसैनोन दान्दे डाइ
 जम्मान ताम चिठीरी भ्रिबा आरे। तर
 डा एनीगदे मुबा ग्लारी खसी हुप तसी
 जम्मान ताम लबा सेम मुला, थे धुइरी
 य्हाङ ल्हानान ताङ्म्याङ्ला।

१३ थेहङ् लसीन परमेश्वरसे धम्बा
 एला आडाला भा भामेगदेसेनोन एदा
 फ्याफुल्ला भिसी पाङ्बा मुला।